

ultra 170. annos non distat, hunc textum, ut nullum alium accurate descripsit, traditioni patriæ & divinam revelationem addens, ita, ut Rabini, metrum hic subesse arbitrati sint, quod teste. *Magnop. m. Gerbard. in Diss. in b. l.* vix verifimile, cum verba enim testamenti formalia, Molen mutasse, vix sibi quis persuadebit. Sed ut ut sit, satis vel inde hujus textus majestas patet, quod diabolus eum tam anxie opugnarit, *De Rab. Salamone refert, ex Tostato, Vir Oriental. Profess. hujus Acad. Celeber. Dn. M. Sennertus Præceptor meus obse. in quadam Disputatione Philolog.* quod impiè statuerit; Jacobo moribundo delirio & *Ἰακώβου* correpto excidisse, *Et Perer. Diss. 3. in c. 49. Gen. de Isidoro Pelusiota narrat,* eum imprudenter asseruisse, Jacobum morti proximum, voluisse futura prædicere, sed ob peccata liberorum Deo disponente, præterita prædixisse. Sed quàm hæc vera textus præsentis tractatio docebit, is autem à variis variè, disponitur & pertractatur, vel enim *polemica* ex hoc textu venantur, & sic maximam partem occupati sunt, in refutatione Judæorum, quibus ex voce Silo, Schevet aliisque adventum veri Messiaë Salvatoris nostri demonstrant, vel *Exegetica & homiletica* intendunt, hi doctrinas nectunt, utriq; verò per *διχοτομίαν* ut maximam partem procedunt, dispescentes textum, pro duplici promissionis genere, vel enim spiritualia, vel temporalia promittuntur, etiam in duo membra, quorum *I. agit de rebus spiritualibus*, de adventu Messiaë, quæ res vocantur spirituales, monente *Celeber. Viro Dno Gesn. in Com. b. in locum*, non quasi omnia hæc promissa, æternam salutem immediate per se conferrent, sed in oppositione rerum terrenarum, & prærogativæ concessæ tribui Judæ. Ibi que pertractari potest, *1. Persona & Silo. 2. Tempus* sc. sub defectum Sceptri Judæ *3. officium* quod per lotionem pallij aliasq; figuras depingitur. *II. membrum* includit duo, *1. Juda Encomium*, Tu es Jehuda, *2. de Jebuda vaticinium*, tibi incurvabunt se fratres, vaticinatur vero Sanctus Dei Spiritus, tribui Jehudæ & promittit ei, *1. fortitudinem*, Leo es inquit mi fili Juda, *2. Regiam dignitatem*, manus illius in cervice in illorum & sceptrum, *Et 3. Messiaë consanguinitatem*, Non recedet Sceptrum de Juda donec